

STATÜTS

Archiv cultural Engiadina Bassa

I. General

Artichel 1 Nom, sez

Cul nom „Archiv cultural Engiadina Bassa“ exista üna società d’ütil public i’l sen dad artichel 60 e seg. dal CCS.

Il sez da la società as rechatta a Scuol.

Artichel 2 Mera

La mera da la società es da promover e rinforzar professiunalmaing il savair cultural da l’Engiadina Bassa e da las regiuns vaschinas in special sül chomp da l’art, architectura, archeologia, da l’istorgia, da la fotografia, dal film, da la literatura, da la lingua, da la musica, da l’istorgia natürala etc.

Quist böt voul ella ragiundscher seguaintamaing:

- a) realisar üna rait d’infuormaziun cun agüd da persunas indigenas ed externas sco eir tras instituziuns;
- b) ramassar, preparar e registrar il material d’archiv e da documentaziun da tuot gener;
- c) sgürar bains culturals da valor tras contrats;
- d) pisserar per las localitats adattadas per las archivalias;
- e) dar infuormaziuns a bocca ed in scrit ad interessats;
- f) publicar texts d’infuormaziun e publicaziuns sco eir prestar lavur publica a bön da l’organisaziun;
- g) per ragiundscher il böt po la società ingaschar persunas cumpetentas.

La società es politicamaing e confessiunalmaing neutrala.

Artichel 3 On da gestiun

L’on da gestiun es identic cul on da chalender.

II. Commembranza

Artichel 4 Commembers

Commembers da la società pon dvantar in pajond la contribuziun annuala:

- persunas natüralas;
- persunas giuridicas dal dret privat e public;
- organisaziuns cun intenziun culturala.

L’acceptaziun d’üna commemoranza succeda tras la suprastanza.

Artichel 5 Dovairs

Ils commembers sun obliats da sustgnair ils sforzs da la società cun tuot lur forzas.

Artichel 6 Sortida

La sortida da la società po succeder sün la fin da l'on da chalender. Ella ha da gnir inoltrada a la suprastanza cun üna decleranza per scrit almain duos mais avant.

Artichel 7 Exclusiun

Commembers chi cuntrafan als statüts o a las decisiuns dals organs da la società pon gnir exclus da la società tras la suprastanza.

Artichel 8 Responsabilità

La responsabilità persunala dals commembers es esclusa. Pels impegnos da la società garanti-scha sulettamaing la facultà da la società.

III. Organisaziun

Artichel 9 Organs

Ils organs da la società sun :

- la radunanza generala;
- la suprastanza;
- il post da revisiun.

Artichel 10 Convocaziun

La radunanza generala fuorma l'organ superiur da la società. Ella as reunischa üna vouta l'on fin il plü tard la fin da gün. La convocaziun segua almain 14 dis avant tras ün invid per scrit e cull'indicaziun da las tractandas.

Artichel 11 Radunanza extraordinaria

Üna radunanza extraordinaria po gnir convochada da tuots temps tras la suprastanza. Plünavant sto quella gnir convochada sch'almain 20% dals commembers pretendan quai per scrit.

Artichel 12 Decisiuns ed elecziuns

La radunanza generala vain manada dal president o d'ün oter commember da la suprastanza. Mincha radunanza convochada seguond uorden es cumpetenta da decider.

Commembers singuls, giuridics o d'organisaziuns dispuonan a la radunanza generala d'üna vusch.

La radunanza generala tira sias decisiuns ed elecziuns in votaziun averta culla majorità simpla dals commembers preschaints. Sün proposta da la suprastanza o culla pretaisa d'ün terz dals commembers preschaints, ha da gnir fat üna votumaziun per scrutin. Pro parità da vuschs ha il president la vusch da tagl.

Per müdamaints da statüts faja dabsögn da la majorità da duos terzs e per ün schogliment da la società esa necessari d'üna majorità da trais quarts da las vuschs preschaintas.

Las radunanzas generalas pon gnir colliadas cun referats, discussiuns, excursiuns o otras activitats chi correspuondan al böt da la società.

Artichel 13 Cumpetenzas

La radunanza generala ha seguaintas cumpetenzas:

- a) d'acceptar il protocol da l'ultima radunanza generala;
- b) d'acceptar il rapport annual;
- c) d'acceptar il rendaquint e'l rapport da revisiun;
- d) d'acceptar il preventiv;
- e) da fixar las contribuziuns dals commembers;
- f) d'eleger il president, la suprastanza e'l post da revisiun;
- g) da trattar propostas;
- h) da reveder ils statüts;
- i) da levar la società.

Artichel 14 Cumposiziun e dürada d'uffizi

La suprastanza as cumpuona da tschinch commembers:

- dal president,
- dal vicepresidente,
- dal chaschier,
- da l'actuar,
- d'ün assessur.

La dürada d'uffizi importa trais ons. Reelecziuns sun pussiblas.

Cun excepziun dal president chi vain elet da la radunanza generala, as constituischa la suprastanza svesa.

Artichel 15 Incumbenzas, suottascripziun e giuntas

A la suprastanza suprastaja da manar la società. Ella rapreschainta tala invers l'exteriur e fa tuot il pussibel per raggiundscher il böt da la società. La suprastanza as raduna almain üna vouta l'on.

La suprastanza es cumpetenta da decider scha la majorità dals commembers sun preschaints. Pro parità da vuschs decida il president.

La suottascripziun legala per la società regla la suprastanza.

A la suprastanza suprastan las seguaintas cumpetenzas:

- a) rapreschantar ils interess dal la società invers l'exteriur;
- b) adöver dals mezs finanzials i'l rom dal preventiv;
- c) administrar la facultà da la società;
- d) conclusiun da contrats da bains culturals d'importanza;
- e) admissiun ed exclusiun da commembers;
- f) far il rapport e'l quint annual per mans da la radunanza generala;
- g) incumbenzer giuntas da lavur per incumbenzas specialas;
- h) elavurar ün reglamaint chi regla ils detagls da la lavur d'archivar;
- i) fixar las indemnisaziuns;
- j) sortidas annualas na büdschetadas da maximum fr. 5'000.-.

Il spazi da lavur da las giuntas cumpiglia ils böts specifics seguond l'artichel 2 dals statüts. Las activitats annualas vegnan fixadas in ün plan da lavur.

Artichel 16 Post da revisiun

Il post da revisiun consista da duos persunas natüralas. La dürada d'uffizi importa trais ons. Reelecziuns sun pussiblas. Il post da revisiun controlla il quint annual e prepara per mans da la radunanza generala ün rapport in scrit cun üna proposta.

IV. Finanzas e lavur publica

Artichel 17 Finanzas

La società generescha sias finanzas tras:

- contribuziuns da commembers,
- contribuziuns da fauours,
- donaziuns,
- contribuziuns da comunitats publicas,
- contribuziuns d'organisaziuns,
- activitats da la società (p.ex. taxas per servezzans etc.),
- entradas da fits.

Artichel 18 Registraziun

Sün proposta da la radunanza generala po la società gnir inscritta aint il register da commerzi svizzer.

Artichel 19 Publicità

La società publichescha seguond bsögn infuormaziuns adattadas.

V. Determinaziuns finalas

Artichel 20 Schoglimaint


Pro ün schoglimaint da la società va la facultà restanta a l'associaziun regiunala da l'Engiadina Bassa obain ad ün'instituziun chi vain decisa dad ella e chi perseguitescha similis böts.

Artichel 21 Entrada in vigur

Ils statüts preschaints sun gnüts acceptats da la radunanza da fundaziun dals 8 avrigl 2010 ed aintran tras quai in vigur.


Scuol, 8 avrigl 2010

Il president:



.....
Dr. Domenic Scharplatz

L'actuara:



.....
Uorschla Rauch